

ԵԿԵՂԵՑԼԿԱՆ ԺԱՄԱՆԱԿԱԳՐՈՒԹԻՒՆ

—Փետրուարի 3-ին Տոկիայում մեռել է ռուս եկեղեցու բազմաթիւն միախոնար Ճապոնիայում՝ Նիկողայոս արքեպիսկոպոսը 75 տարեկան հասակում: Նրան կարելի է համարել Ճապոնիայի առաջնալի: Նորա 50 ամեայ միախոնարական գործունէութեան շնորհիւ այնտեղ կազմուել է մի մեծ ուղղափառ քրիստոնէական համայնք, որը իւր մէջ հաշուում է 32,246 հոգի: Նա հիմնել է այնտեղ դպրոց, հիւրանոց, հիւանդանոց, եկեղեցի, մամուլ և այլն: Հանգուցեալի թաղումը տեղի է ունենում մեծ հանդիսաւորութեամբ:

—1912 թուի պետական նախահաշուով Ռուսաստանի քաղաքի և գիւղի հոգևորականութեանը յատկացուած է 14,809,000 ռ. իսկ եկեղեցական դպրոցներին 16,947,000:

—Վերջերս յունաց թագաւորութեան լուսաւորութեան միախորը պարլամենտ է մտցրել դպրոցական մի օրինադիւծ, որի մէջ հետաքրքիր է այն, որ յոյն գիւղացիների ևրկրագործութիւնը բարեկաւելու նպատակով որոշուած է յոյն վանքերին կից օրինակելի փորձադաշտեր կազմակերպել, որով պիտի շրջակայ գիւղացիներին ծանօթացնեն հողագործութեան և տնտեսութեան գործնական պարագմունքների հետ: Այդ հաստատութիւնները պիտի բարձրացնեն անշուշտ և վանքերի տնտեսութիւնը, որի եկամուտները պիտի գործադրուին յոյն եկեղեցու կարիքների վրայ: Մտադրութիւն կայ հիմնել հոգ. դպրոցներ՝ ծխական դպրոցների համար ուսուցիչներ և ծխական հոգևորականներ պատրաստելու համար. իսկ Աթէնքի համալսարանի աստուածաբանական բաժանմունքից աւարտողներին վերապահել գիմնադիւանքում կրօնի դասաւանդութիւնը:

—«Вѣстникъ Грузинс. Экзархати» թերթը հրատարակել է վրաց մէջ մի նորակազմ ընկերութեան կանոնադրութիւն, որը կոչուում է «Վրաստանի թիմի Ս. Աստուածածնի ուղղափառ եղբայրութիւն»: Այս ընկերութեան նպատակն է ուղղափառ քրիստոնէութեան կրօնաբարօյական լուսաւորութիւնը տարածել Վրաստանում: Այս նպատակով նա պիտի կազմակերպի եկեղեցական զբքերի տարածումը և ընթերցանութիւնը. զրոյցներ եկեղեցական

հարցերի շուրջը, եկեղեցական երգեցողութեան ու եկեղեցական կոնցերտներ: Պիտի հրատարակի զրքեր և թերթեր կրօնաբարոյական բովանդակութեամբ ուսու և վրացի լեզուով պիտի հիմնուի եկեղեցական զրքերի և թերթերի ընթերցարաններ և զրադարաններ: Անդամ կհամարուին ուղղափառ քրիստոնեաներից նրանք, որոնք տարեկան առնուազն 50 կ. կվճարեն: Տարին մի անգամ անդամների ընդ. ժողով պիտի լինի Վրաստանի էկզարխի նախագահութեամբ կամ թոյլտուութեամբ:

— Հռովմը պատրաստում է տօնել այս տարի Կոստանդինոս Մեծի քրիստոնէութեան ազատութիւն պարգևող Միլանի հրովարտակի 1600 ամեակը: «l'Univers» հաղորդում է, որ պապը հրաւիրել է ամբողջ աշխարհի կաթոլիկներին այս գէպքը փառաւորագոյնա տօնել իրրե պատմութեան մէջ եկեղեցու տարած բազմաթիւ յաղթանակներից առաջինը:

— Որոշուած է այս տարուայ Դեկտեմբերի 9—13 Վայրենում գումարել կրօնների պատմութեան IV կոնգրէսը: Նախապատրաստական աշխատանքը և զրադմունքների ծրագիրը մշակում է մի յանձնաժողով, որի նախագահն Շանտէպիղը-Լա-Սօլիկն, իսկ քարտուղարը Բազէլի համալսարանի աստուածաբան պրօֆ. Բերտօլէտ Կոնգրէսի զրադմունքները ունեն 10-ն ճիւղեր. 1) Վայրենիների կրօնը և ընդ. բնոյթ ունեցող հարցեր, 2) Զինաց և ճապոնների, 3) Եգիպտացիների, 4) Սիմիտների, 5) Իսլամական, 6) Հնդկիկների և Իրանի, 7) Յոյների և հռովմայեցիների, 8) Գերմանացիների, կիւտերի և սլաւների, 9) Մալայեան և պօլինէզեան ցեղերի կրօնները և 10) Քրիստոնէութիւնը: Համաժողովը պիտի կրի զուտ գիտական բնոյթ. հաւատի հարցերը այնտեղ չեն քննադատուի: Ամէն բէֆերատի համար տրուում է 20 րոպէ ժամանակ: Պաշտօնական լեզուն կլինի ֆրանսերէն, Գերմաներէն, Անգլիերէն և Իտալերէն:

